



Funded by
the European Union



FTESË PËR OFERTË

Organizata:	HANDIKOS (Shoqata e Paraplegjikëve dhe e Paralizës së Fëmijëve të Kosovës)
Titulli i kontratës:	Kontratë për shërbime hotelierie
Lokacioni:	Jashtë zonës së Prishtinës (në Kosovë)
Data e publikimit:	17/03/2022
Data e mbylljes:	24/03/2022
Data e vlerësimit të ofertave	24/03/2022
Email-i:	handikos@handi-kos.org

1. PËRMBLEDHJE

HANDIKOS (Shoqata e Paraplegjikëve dhe Paralizës së Fëmijëve të Kosovës) është themeluar në vitin 1983 me qëllim kryesor arritjen e njohjes dhe pjesëmarrjes së plotë të personave me aftësi të kufizuara në shoqëri. HANDIKOS lobon dhe avokon në mënyrë aktive në nivel lokal dhe qendror për të drejtat e personave me aftësi të kufizuara, me qëllim të krijimit të një mjedisi gjithëpërfshirës përmes rritjes së mundësive të punësimit, përmirësimit të qasjes në arsim, përfshirjen e PAK në skemat e mirëqenies sociale dhe sigurimeve shoqërore, si dhe përmirësimin e qasjes fizike.

HANDIKOS, në partneritet me Disability Partnership Finland, Threshold (OJQ finlandeze), Shoqatën Kosovare e të Shurdhërve, si dhe Shoqatën e të Verbërve të Kosovës, aktualisht po zbaton projektin e financuar nga BE të quajtur "Promovimi i gjithëpërfshirjes dhe shtrirjes së proceseve konsultative për reformat e qeverisjes dhe administratës publike në sektorin e aftësisë së kufizuar në nivel lokal, kombëtar dhe rajonal – Kosova gjithëpërfshirëse". Në kuadër të këtij projekti është planifikuar realizimi i punëtorive disa ditore, për çka HANDIKOS është duke kërkuar ofertues të cilët ofrojnë shërbime hoteliere jashtë zonës së Prishtinës. Të gjithë ofertuesit duhet të përfshijnë shërbimet në vijim:

- Akomodimi për person me "pansion të plotë" (çmimi për dhomë njëshe, dyshe dhe treshe);
- Salla e trajnimeve e përshtatshme për deri 30 persona;
- Dreka për pjesëmarrës (me një pije jo-alkoolike të përfshirë në çmim; ju lusim theksoni menynë që ofroni)
- Ofrimi i ujit për pjesëmarrës;
- Ofrimi i kafes për pjesëmarrës.

2. KRITERET PËR APLIKIM

Të gjithë ofertuesit duhet të plotësojnë këto kritere:

- Duhet të kenë disponueshmëri të akomodimit të 26 personave si dhe të sallës për trajnime, përgjatë datave 5, 6, & 7 Prill, si dhe 10, 11 & 12 Maj;
- Duhet të ndodhet jashtë zonës së Prishtinës (preferohet në ndonjë zonë turistike);



Funded by
the European Union



- Duhet të kenë qasje fizike për personat me aftësi të kufizuara (preferohet tualet i veçantë për personat me aftësi të kufizuara);
- Duhet të kenë hapësirë të mjaftueshme në sallën e trajnimeve, që siguron akomodimin e deri 30 personave duke respektuar distancën fizike;
- Duhet të ketë hapësirë të mjaftueshme në sallën e trajnimeve, të përshtatshme për punë në grupe, sesion plenar apo format tjetër;
- Duhet të ketë ndriçim të mjaftueshëm dhe hapësirë të përshtatshme për përdorimin e projektorit;
- Duhet të kenë përvojë në ofrimin e shërbimeve të ngjashme me organizata të tjera lokale dhe ndërkombëtare (përvoja me organizata nga fusha e aftësisë së kufizuar është përparësi);
- Është e preferuar të ketë projektor, tabelë për mbajtjen e letrave dhe mundësi për printim.

3. KRITERET PËR PËRZGJEDHJE:

Kriteret për përzgjedhjen e ofertave më të përshtatshme për shërbimet e nevojshme janë:

- Dorëzimi i dokumentacionit të plotë;
- Plotësimi i të gjitha kriterëve për aplikim;
- Çmimi më i lirë.

4. KOHËZGJATJA E KONTRATËS DHE KUSHTET E PAGESËS

Pagesa do të bëhet vetëm pas pranimit të shërbimit, përmes transferimit bankar në monedhën e faturimit dhe do të bëhet deri 30 ditë pas marrjes së faturës dhe pranimit të shërbimit. Kohëzgjatja e kontratës do të jetë deri në fund të vitit, përkatësisht 31.12.2022.

5. DOKUMENTET PËR DORËZIM DHE PËRMBAJTJA E OFERTËS:

- Certifikata e regjistrimit të biznesit;
- Çmimet e shërbimeve në euro duke mos përfshirë TVSH-në (HANDIKOS është e liruar nga TVSH prandaj çmimet duhet të jenë pa TVSH);
- Oferta financiare e ndarë me çmime për: akomodim, sallë, ujë, kafe dhe drekë;
- Oferta duhet të jetë e nënshkruar dhe vulosur/apo me logo zyrtare;

6. UDHËZIM PËR OFERTUESIT

Ofertuesit janë të mirëpritur të dorëzojnë aplikacionet e tyre për shërbime hoteliere në handikos@handi-kos.org, me mbishkrimin: “Oferta për shërbime hoteliere”, më së voni deri më 24/03/2022 ora 14:00. Propozimet e marra pas afatit të caktuar nuk do të merren në konsideratë.

Kjo ofertë është e hapur për të gjithë hotelet/restorantet që janë të regjistruara ligjrisht dhe mund të ofrojnë shërbimet e kërkuara.